

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 8802-55662000

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## যুক্তরাষ্ট্রের চার্জ দ্য অ্যাফেয়ার্স ডেভিড মিলির বক্তব্য দুর্যোগে সাড়া দেয়ার অনুশীলন এবং মতবিনিময় (ডিআরইই) সমাপনী অনুষ্ঠান

আর্মি গলফ ক্লাব, ঢাকা  
৩ সেপ্টেম্বর, ২০১৫

- মোফাজ্জেল হোসেন চৌধুরী মায়া, মাননীয় মন্ত্রী, দুর্যোগ ব্যবস্থাপনা ও ত্রাণ মন্ত্রণালয়
- লেফটেনেন্ট জেনারেল মোঃ মাইনুল ইসলাম, প্রিন্সিপ্যাল স্টাফ অফিসার, সশস্ত্র বাহিনী
- মেজর জেনারেল গ্রেগরি বিল্টন, ডেপুটি কমান্ডিং জেনারেল, যুক্তরাষ্ট্র প্রসান্ত মহাসাগরীয় সেনাবাহিনী-উত্তর
- ব্রিগেডিয়ার জেনারেল আজাজুল বার চৌধুরী, মহাপরিচালক, সশস্ত্র বাহিনী পরিচালনা ও পরিকল্পনা অধিদপ্তর
- যুক্তরাজ্য ও বার্মার প্রতিনিধিগণ
- বাংলাদেশ সরকারের বিভিন্ন সেক্টরের অংশগ্রহনকারী
- আন্তর্জাতিক সংস্থা ও বেসরকারী সংস্থা থেকে আগত আংশগ্রহনকারী

ডিআরইই অনুশীলনে অংশগ্রহনকারী এবং আজকে এখানে উপস্থিত পযবেক্ষকবৃন্দ সকলকে জানাই আসসালামু আলাইকুম এবং শুভ অপরাহ্ন।

আমাকে আজকের এই ডিজাস্টার রেস্পন্স এক্সারসাইজ এন্ড এক্সচেঞ্জ (ডিআরইই) যা বাংলাদেশে অনুষ্ঠিত হওয়া সবচেয়ে গুরুত্বপূর্ণ অনুশীলন তার সমাপনীতে আমন্ত্রণ জানানোর জন্য রাষ্ট্রদূত মার্শা বার্নিকাটের পক্ষ থেকে আপনাদেরকে ধন্যবাদ জানাতে চাই। এই ডিআরইই অনুশীলনের পরিকল্পনা ও সম্পাদনের বিষয়গুলো বেশ কাছ থেকে নজরে রাখছিলাম এবং আমি এটা বলতে পারি যে এই অনুশীলনটি সবচেয়ে গুরুত্বপূর্ণ কারণ ঢাকায় কোন বড় ধরনের ভূমিকম্প হলে সেটিকে মোকাবেলার জন্য গতকাল আমরা যতটা প্রস্তুত ছিলাম আজকে তার

থেকে বেশী প্রস্তুত। এই সফলতার ও অগ্রগতির জন্য আমরা গর্বিত, কিন্তু এই অগ্রগতি ও সাফল্যের সাথে সাথে বড় দায়িত্বও চলে আসে-সঠিকভাবে ও সততার সাথে বাংলাদেশে বড় কোন ভূমিকম্পের জন্য আমাদেরকে, আমাদের পরিবারকে, এবং সংস্থাকে প্রস্তুত করার দায়িত্ব।

যেমনটি কয়েকমাস আগে নেপালে আমরা দেখেছি যে ভূমিকম্প খুব ভয়ঙ্কর এবং এটি অননুমের এবং কোন পূর্বাভাস ছাড়াই ঘটে যায়। এই যৌথ অনুশীলন আমাদেরকে বাংলাদেশে হতে যাওয়া অপরিহার্য ভূমিকম্পের জন্য প্রস্তুত করেছে। ভূমিকম্পের পরবর্তী ভয়াবহতা ও চাপ মোকাবেলায়ও এটি আমাদেরকে প্রস্তুত করবে। এটি শুধুমাত্র স্থানীয়ভাবে না জাতীয়, আঞ্চলিক ও আন্তর্জাতিক পরিসরে চিন্তা করতে উৎসাহ দেয়। এটি ডিআরইই অনুশীলনে অংশগ্রহণকারীদের কাছ থেকে শিখতে তাদের অনুসরণ করতে এবং সে অনুযায়ী নেতৃত্ব দিতে আমাদেরকে সাহস যোগায় এবং অন্যদের সাহায্যার্থে নিজেদেরকে প্রস্তুত করতে উৎসাহ দেয়। এটি বাংলাদেশকে তার প্রতিবেশীদের সাহায্যের ক্ষেত্রে পৃথিবীর মধ্যে সেরাদের স্থানটি ধরে রাখতে প্রস্তুত করে এবং যখন দুর্ভোগ হানা দেবে তখন সাহায্যের জন্য এটি বাংলাদেশের প্রতিবেশীদের ও অংশীদারদের প্রস্তুত

আজকের শ্রোতামণ্ডলীর দিকে যদি তাকানো যায়, এটি দেখতে পারা খুবই উৎসাহব্যঞ্জক যে বিভিন্ন দেশের সামরিক সদস্যরা, সরকারি সংস্থার বিভিন্ন পর্যায়ের প্রতিনিধিগণ, আন্তর্জাতিক সংস্থাসমূহ ও যুক্তরাষ্ট্র দূতাবাসের প্রতিনিধিগণের সাথে যোগদান করেছেন। আমি বিভিন্ন সংস্থার বিস্তারিত জোট দেখতে পাচ্ছি, যাদের প্রত্যেকেরই রয়েছে স্বতন্ত্র ক্ষমতা ও দক্ষতা এবং এগুলি যখন একত্রিত হয় তখন এই বিভিন্ন অংশগুলির সমষ্টির চেয়ে বেশী হয়।

যুক্তরাষ্ট্রে আমরা “সম্পূর্ণ সরকার,” “যৌথ,” এবং “আন্তঃসংস্থা” এই শব্দগুলো ব্যবহার করি এই ঘটনা বর্ণনা করতে। সামরিক সংস্থাগুলো যখন একসাথে কাজ করে তখন এই শব্দগুলো তাদের সীমাবদ্ধ করে ফেলে না। যুক্তরাষ্ট্র ও বাংলাদেশ সরকারের মধ্যকার যে দৃঢ় দ্বিপাক্ষিক সম্পর্ক সেটাও সীমাবদ্ধ করে ফেলে না। এটা অবশ্যই প্রয়োজনীয় যেন সামরিক-বেসামরিক সহযোগিতা ভবিষ্যতের ডিআরইইতে বৃদ্ধি পায় এবং সামরিক ও বেসামরিক আঞ্চলিক অংশীদাররা ভবিষ্যতের ডিআরইই অনুশীলনে অংশগ্রহণ করে। এটা অবশ্যই গুরুত্বপূর্ণ যে এনজিও এবং আন্তর্জাতিক সংস্থাগুলো দুর্ভোগ ত্রাণ এবং মানবিক সহায়তা প্রদানে গুরুত্বপূর্ণ ভূমিকা পালন করবে কারণ কোন বড় ভূমিকম্প ঘটলে আমাদের সবারই প্রয়োজন হবে। ডিআরইই মত অনুশীলন আমাদের দক্ষতা বাড়াবে এক পক্ষ আরেক পক্ষকে বুঝতে, শক্তি ও সীমাবদ্ধতা সম্পর্কে জানতে এবং আরো কার্যকরভাবে সাড়া দিতে।

যে সময়ে ডিআরইই অনুশীলন অনুষ্ঠিত হচ্ছে, সেই একই সময়ে বাংলাদেশ সরকার ও সেনাবাহিনী নেত্রীবৃন্দ প্রস্তুতি নিচ্ছেন ১১ই সেপ্টেম্বরের ওয়াশিংটন ডিসিতে অনুষ্ঠিতব্য দুই দেশের মধ্যকার নিরাপত্তা সংলাপের জন্য। রাষ্ট্রদূত বার্নিকাট এখন যুক্তরাষ্ট্রে অবস্থান করছেন নিরাপত্তা সংলাপে অংশগ্রহণ করার জন্য। সেখানে তারা সরকারের সর্বোচ্চ পর্যায়ে মানবিক সহায়তা এবং দুর্যোগে সাড়াপ্রদান বিষয়ে আলোচনা করবেন, যা আমাদের মধ্যকার সহায়তার ক্ষেত্রে একটি পরিস্কার পথ তৈরি করতে সাহায্য করবে।

নির্বাহী পর্যায়ের আলোচনা গুরুত্বপূর্ণ কাজের বাস্তবায়ন পর্যায়ে ভিত্তি তৈরি করে দেয়, আপনাদের মত বাস্তবায়নকারীদের দ্বারা, যারা কাজগুলো মাঠ পর্যায়ে বাস্তবায়ন করে থাকেন। আপনাদের গুরুত্বপূর্ণ কাজ এবং অবদানের ফলে পাওয়া তথ্য এবং মতামতের ভিত্তিতে আমাদের নিরাপত্তা সংলাপকেও অবগত হতে সহায়তা করে।

আজ অনুশীলন শেষের পর্যালোচনায় আপনারা যে মতামত দিয়েছেন তার জন্য আমি আপনাদের ধন্যবাদ দিতে চাই। যুক্তরাষ্ট্র দূতাবাসের কর্মকর্তাগণ আপনাদের মতামতগুলো বিশদ পর্যালোচনা করবেন এবং এগুলো ভবিষ্যতে অনুষ্ঠিতব্য দুর্যোগে সাড়াপ্রদান বিষয়ক অনুশীলনগুলোকে উন্নততর করে তুলতে ব্যবহৃত হবে।

আমরা আশা করছি আগামী বছর ডিআরইই এর আঞ্চলিক অনুষ্ঠান করবো যেখানে প্রথমবারের মত বিভিন্ন দেশের অংশীদাররা জটিল ও ক্রিয়াশীল অনুশীলনে অবদান রাখবে। আজকের অনুষ্ঠান পরবর্তীতে আপনাদের মত বিনিময় অব্যাহত রাখবেন যাতে আমরা এই গুরুত্বপূর্ণ এবং যৌথ প্রচেষ্টা এগিয়ে নিয়ে যেতে পারি। এই গুরুত্বপূর্ণ সপ্তাহে আমরা যে শিক্ষা গ্রহণ করেছি তা আপনারা চলার পথে এবং এই জ্ঞান ভবিষ্যতে সম্মিলিত দুর্যোগ মোকাবেলায় সাড়া দেয়ার প্রচেষ্টাকে সহায়তা করবে।

ডিআরইই ২০১৫ সালে অংশগ্রহণ করার জন্য আপনাদের ধন্যবাদ। আপনাদের অভিনন্দন জানাই এই চমৎকার অর্জন সফলভাবে সমাপ্তির জন্য।

=====

*\*বক্তার জন্য প্রস্তুতকৃত*